

道德真經直解卷之一

本來子邵若愚直解

清河居士張知新校正

道可道非常道名可名非常名無名天地之始有名萬物之母常無欲以觀其妙常有欲以觀其微此兩者同出而異名同謂之玄之又玄衆妙之門

大道者至虛至靜無形無名不可以視聽求不可以思議知不可以語言及此無始無終常存不改之道自虛無始化一炁因有一氣之跡是故可道既云可道則非常存之道既有氣之名可名則非常存之名未現一氣已前無形無名之時此即天地之始此不可言之道緣有一氣之名為生萬物之母此可言之道乃知我身從一而有人能以一為法悟入而見大道夫大道者人之真心也一氣者心生之欲也夫真心本來虛靜元無生滅因真心動而為有其名曰欲也緣心起欲故隨欲受生既生之後受納好惡攀緣不息著五色

礙五音恃強梁居寵辱遂妄為心因執妄心蓋覆一心不明一氣之道若人捨妄守欲便是一心此心持之則為正得之則為靈為萬物之母乃生死之根緣其存欲蓋覆真心所以有生有死人能無欲無欲則虛靜乃同無名之始便能出離死生故老子云常無欲以觀其天地之始此乃出離生死之妙又云常有欲以觀其一氣之道故為微也不可將心求心為有欲不可將心滅心為無欲此有無兩者同攝為一緣出言為教而分有無之異名有無混同謂之玄釋氏謂之二法門又謂之中道玄之門以中為法設喻如荃然法從心起既起於心繫著在中則非虛靜老子恐中道法縛不能捨荃故將又玄以釋之學人但不著有無亦不居玄之中道實際理地不受一塵則心虛靜乃是無為故不須推照以無所得故始足無欲所以纖塵不立故名清靜都無作用故名無為無修無證故名自然都無一物故名虛靜自在無

礙故名道遠一味平常故名恬惔是故無欲則離諸分別離分別故無煩惱心無欲則離諸善惡離善惡故不拘因果心無欲則不著萬物不著萬物故無生無生故無死夫心常無欲者乃衆妙之門

天下皆知美之為美斯惡已下皆知善之為善斯不善已故有無之相生難易之相成長短之相形高下之相傾聲音之相和前後之相隨是以聖人處無為之事行不言之教萬物作而不辭生而不有為而不恃功成不居夫惟不居是以不去不尚賢使民不爭不貴難得之貨使民不為盜不見可欲使心不亂是以聖人之治虛其心實其腹弱其志強其骨常使民無知無欲使夫知者不敢為為無為則無不治矣

天下皆知善之為善斯惡已夫何故觀有無互換之相生難易事之相成長短理之相形此高下勢

之相傾聲音是非之相和前後雌雄之相  
 隨世人因著美善事障本心逐境以為遂  
 生八萬四千煩惱是以聖人處無心為之  
 於事所以能齊萬物行之治世可不言之  
 而教於天下且萬物也並作也而聖人不  
 以言辭分別者恐民生好惡之情於已無  
 所與於民無所取緣以無事安民故生民  
 而不知有君之化雖為君父而不恃為主  
 仁也顯功業成而名不居用也夫惟不  
 居於跡是以德存而不去也夫不尚賢能  
 者恐人矜智王所好者謂之風民樂隨之  
 謂之俗上矜賢智下必競趨不尚賢使民  
 不爭其名故也名不爭其名故也食之與  
 貨務資贍養豈貴珍奇難得者乎難得民  
 必深藏凡入之情與之則不授藏之必竊  
 奪治世非不用貨不貴珍奇難得之貨者  
 使民不為盜故也下民不見名利可欲使  
 心不亂其民自治是以聖人之治不尚賢  
 使民無智無智則自處其心心虛則能容  
 萬物故云實其腹不貴貨使民無欲無欲

則自弱其志志弱則不隨境轉故云強其  
 骨孔子中根之常使民無智則虛心無  
 欲則忘境心境兩忘無所攀緣萬事俱息  
 使夫有智者而不敢為緣聖人為無心之  
 為則天下無不治矣  
 道冲而用之或不盈淵兮似萬物之宗挫其  
 銳解其紛和其光同其塵湛兮似或存吾不  
 知誰之子象帝之先  
 虛无大道化生一氣一氣分而為陰陽陰  
 陽生化稟一氣為主乃知一氣處陰陽之  
 中故曰冲氣夫大道以冲也冲氣而為用之  
 也如天覆地載日照月臨冬寒夏暑春生  
 秋歛皆冲氣之用冲氣者有而無形無而  
 有精天地之間或不盈不虧淵也兮似萬  
 物之宗以學人欲見冲氣者當挫其心之  
 銳銳息則志休故能解其事之紛也志閑  
 少欲則善和其光與物無爭則能同其塵  
 內外無滲漉兮其惟一心也雖不見其跡  
 又似或存釋家喻為慧燈朗月術家以為  
 大藥金丹孟子以謂浩然之氣言至大至

剛以直養而無害塞乎天地之間其為氣  
 也配義與道老子指湛兮似或存者乃大  
 道所化之一氣曰吾不知誰之子此象萬  
 物帝注在陰陽之先  
 天地不仁以萬物為芻蕘供狗聖人不仁以  
 百姓為芻狗改五  
 天地任自然之道謂之至仁苟非至仁而  
 有親疎焉春生非仁也秋殺非不仁也棄  
 用因時以萬物為芻芻狗芻狗如令之  
 之始以米臣或附綱中覆草蕘祭用  
 之既祭之後棄而不用也聖人以一心為  
 德故以百姓心為心賞善非仁也罰惡非  
 不仁也隨民任事賞罰因時故以百姓為  
 芻狗之喻莊子云至仁無親大仁不仁夫  
 惟不仁是謂大仁  
 天地之間其猶橐籥乎虛而不屈動而愈出  
 多言數窮不如守中  
 天地之間謂四方上下也其猶橐籥也  
 籥也手囊籥中虛其用在無而故不屈也  
 橐籥以鼓風籥以運吹動而愈出若乾坤  
 之開也吐生開闢也老子欲多言數窮

其理不如守中中者虛也以心處虛其用無盡

谷神不死是謂玄牝玄牝之門是謂天地根綿綿若存用之不勤

谷以喻虛虛者道也神者道化之一氣乃

無中之有也得氏以虛神謂之實虛神無

形本自無生而亦無死故云谷神不死虛

乃生之本謂曰玄神為化之元謂曰牝谷

神者是謂玄牝也萬物皆從玄牝之門出

所出謂之門是謂生天也陽地也根以觀谷神綿

綿綿綿者有中似無若存若存無中似有用之者以神合

虛而不在勤勞措意功力能為也

天長地久天地所以能長且久者以其不自

生故能長生是以聖人後其身而身先外其

身而身存非以其無私耶故能成其私

列子云凡有貌像聲色皆物也人見天長

地久而不知虹蜺雲霧風雨四時積歲成

乎天山嶽河海金石草木積形成乎地夫

有形者豈得不壞天地所以能長而且久

者四時之運稟道為生化之主天地以其

不自生故能長生是以聖人效之處謙下不敢自尊後其身而身反在人先謂以世

利皆為身外之物緣外其身不為物累而

能身存得久夫聖人後其身外其身非以

其無私耶效天地為而無為故能成也善其

私

上善若水水善利萬物而不爭處衆人之所

惡惡也故幾於道居善地心善淵與善仁言

善信政善治事善能動善時夫惟不爭故無

尤矣

衆人好事老子以不爭為上善喻若如水

謂水無心欲善利萬物而不爭是處衆人

之所惡也以水之德故幾也近於道夫爭從

心起無心則善於不爭以無心為法而能

利於萬物是故居無心則善其地心無心

則善其淵淵也與無心則善其仁言無心則

善其信政無心則善其治事無心則善其

能動無心則善其時夫惟無心善於不爭

故无尤也過矣

持而盈之不如其已以者揣切也而銳之不可

長保金玉滿堂莫之能守富貴而驕自遺其咎功成名遂身退天之道

居高名厚利如持而盈滿之器常懷傾覆

之憂不如其已也止則無大過之累由不滿

則易持也揣也而銳也利之勢不可

長保金玉滿堂莫之能守蓋因富貴而驕

生驕慢則過起此非天殃自遺也其咎也

然何以免此患是以聖人觀四時之運如

春生化功成名遂至夏則身退不居此天

之道也

道德真經直解卷之一

十三